

[Poèmes épars en malgache] [Tps3]

Auteur(s) : Rabearivelo, Jean-Joseph

Les folios

En passant la souris sur une vignette, le titre de l'image apparaît.

20 Fichier(s)

Citer cette page

Rabearivelo, Jean-Joseph , [Poèmes épars en malgache] [Tps3], s.d..
Claire Riffard, équipe francophone, Institut des textes et manuscrits modernes (CNRS-ENS) ; projet EMAN (Thalim, CNRS-ENS-Sorbonne nouvelle).
Consulté le 26/04/2024 sur la plate-forme EMAN :
<https://eman-archives.org/francophone/items/show/2074>

Description & analyse

AnalyseEnsemble (cohérence de papier et logique typographique) de 20 feuillets copie carbone bleue (21 x 27), tapuscrit recto, non paginés. Comprend : « Lavenona hadino » ; « Ny foko nanidina » ; « Nofinofy vaovao » ; *sans titre* « Ny onjanao » ; « Nosoratana » ; « Eritreritra fahavaratra » ; « Tsy embona » ; *poème* « Aza anontaniana » ; « Eritreritra Fahavaratra ho an'i S. sy N. » ; « Ao an'ala » ; « Fahatsiarovana, an'i Thomas Robson » ; *poème* « Nitsoka » ; *sans titre* « Veloma veloma... » ; « Ny Alahelon'ny Olombelona » ; *sans titre* « Misy hery... » ; « Lova » ; « Tanala very sampy » ; « Fo mitohy » ; « Fa... velona indray » ; « Mpanolikoly » ; *sans titre* « Nankaiza hianao... » ; « Fasana faharoa » ; *sans titre* « Ry voro-manidina, an'i Rawelas » I, II, III ; et *sans titre* « Jereo ka diniho ».

Auteur de l'analyseJean-Luc Raharimanana

Éditeur(s) de la ficheXavier Jar Luce ; Sylvie Giraud (6-04-2017)

Informations générales

LangueMalgache

CoteNUM POE TAP LAVENONA, TP.LAVE

Nature du documentTapuscrit

Collation20 (f.) 210 x 270 mm

SupportFeuillets

État général du documentBon

Localisation du documentFonds Rabearivelo, Institut Français, 14 avenue de l'Indépendance, 101 Antananarivo - Madagascar

Informations éditoriales

RecueilLova

Présentation

Dates.[d.](#)

GenrePoésie (Recueil)

Mentions légales

Propriété intellectuelle et matérielle :

Famille Rabearivelo

Dépôt physique des originaux :

Institut français, 14 avenue de l'Indépendance, Antananarivo Madagascar

Demande de communication : brakotomanga@gmail.com

Éditeur de la ficheClaire Riffard, équipe francophone, Institut des textes et manuscrits modernes (CNRS-ENS) ; projet EMAN (Thalim, CNRS-ENS-Sorbonne nouvelle)

Notice créée par [Richard Walter](#) Notice créée le 16/12/2014 Dernière modification le 01/09/2022

LAVENONA HADINO

--:--:--:--

Nantsoiko tao anatin'ny aizina hianao,
fony aho very lalana nitady hodiavina,
toy ny zanak'ombysara-kinjana
ka miolomay eo anatin'ny kirihitra,
sy mimà lavitry ny tanàna,
manondro-bava miantsinana
manandrify ny toeran'ny fahitra,
mandefa hanina tsy nivaly
izay haverin'ny ako ao an-tratran'ny
ka mandratra ny fony toy ny tsipika anivona ?

Tao anatin'ny aizina,
teo ambavahadin'ny fiainana,
ny tongotro malia, ny tanako bakosa,
ny fahazazako, ny fahadalako --
izany rehetra izany,
ny heriny manontolo
samy naagetaheta anao;
nefa niverina maïna
sy voatosika, ary fantatra .

Niposaka tsikelikely ny fahazavana ;
~~katodina ny hianao tsy nampoizina~~
natodin'ny vintan'ny diako
ka nomeny helo-drano tsy nampoizina ;
ary izay kosa ve hianao vao manoina ,
manoina tsy antsoina intsony ?.....
Asa ! tsy fantatro
raha hamaly voina ny aizina aho,
ka hampikipy ny maraina
eo an-dohan'ny ?
Tsy fantatro,
tsy fantatro
raha hanana ny herinao taloha aho,
ka hamaly ratsy ny ratsy,
raha hety ho vantanim-bonona
toa voasary amoron-dalana:
naniry tsy notondrahana
nefa toazan'ny mpandalo ?

Fa nantsoiko hariva hianao,
nefa nandao ahy nandritry ny alina'
ary tsy manoina raha tsy maraina ?

26-2-25 .

Ny foko nanidina ambony dia ambony,
ary saika hisetra izay faran'ny avo,
kanefa voadona, ka tsy afaka intsony --
naratra ny elany -- ka indro izy lavo !

Naniry hibaotra anao, ry masoandro
mazava ! Nahiry tsy hijanona akory
na toa dia mandroso ho hariva aza ny andro:
ny alina tany ary koa sorisory !

Koa aizina anio re no sisa mamonto,
aizi-mitambatra sy mivangoango ...
Rotsiako mangina ny foko efa donto,
ary safosafoko ny masoko bongo !

Ay! htoa efa hionona izany alahelo ...
Ny hafeniko mba hijanona angaha ?
O tsia ! fa ny sentoko mamelovelovelo,
ary izaho tsy mandre afa-tsy fofon-dra !

1-2-26

--:--:--:--:--:--:--

Nofinofy vaovao .

11-10-26 : 3h. du matin .

Ny lanitra mangina -- ny foko tsy mba tony .
Ny alina manala ny saron-tava mainty
fa ny kintana madiva tsy ho maro isa intsony .
Ny somamby dia mitranga -- ny andro io no entiny .

Nofy inona ity kamo ny handao ny Fanahy ?
Injany izy fa tsaroako mitehina ao anaty ao ,
Nofinofy mahagaga, mamiantanantana ahy .

--:--:--:--:--:--:--

Ny onjanao, ry fahoriana, injao re mianjerazera
Toy ny feo migororoana vono sento sy toloko .
Izay mivoaka itony hira mampiseho, mampitsikera
Ny ratra mifina ato anaty -- ato anatinao, ry foko .

NOSORATANA TAO ANATIN'NY FANGORAKORAHANA .

I

Eritreritra, nofy mangina,
Hovitrovitra saika tsy re,
Kopak'elatra, ho aiza?-Hiampita,
Any an'inona?-Tany tsy hita,
Nefa feno ny zavatra irina
Feno azy, ary be dia be...
Kopkelatra ho aiza?-Hiampita,
Hovitrovitra saika tsy re...

Hovitrovitra...Ny antony?- Asa !
Fa malemy ny nofo ka jamba !
Toa fanahy no sisa mameno,
Izy ihany nosisa mba heno
Mampangina ny otan'ny lasa !
Ny vovoko, hiverina angamba...
Toa fanahy no sisa mameno,
Fa malemy ny nofo ka jamba !

Dia fangorakorahana sisa...
-O !mbola olombelona ihany !
Vao tanora, ka ho lasa sahadry ?
Zanak'ondry, ka hahavon'ny tady ?
-Eritreritro tonga madisa,
Nifamatotra sy tsy hita lany...
Vao tanora, ka lasa sahadry.
-O ! mbola olombelona ihany !

II

Injao mihodina mora dia mora
Ny eritreritro lasa mandeha .
O ry fahatanorako ho fohy,
Fa efa miditra ilay lava-johy
Tsy mivelaran'ny tsiky tanora,
Na midiran'izay rehaaha !
O ry fahatanorako ho fohy,
Ny eritreritro lasa mandeha !

Toa voron-kiantefa any an-koatra
Izany fiaingany anatiko izany
Efa feno dia feno fanahy,
Vonombonona, tsy mba manahy...
Tebiteby nefa tsy loatra,
Tebiteby aminao ry tany !
Efa feno dia feno fanahy
Izany fiaingany anatiko izany !

Tebiteby....Mangina ! mangina !
Mangina, ô ry nofoko ho rava,
Mangina, ô ry nofoko omaly !
Fitsaharana anie hampifaly;
Raha ho lasa, veloma, masina,
Any ankoatra, ilay Fianinan-ko lava!
Mangina, ô ry nofoko omaly !
Mangina, ô ry nofoko ho rava!

(Ny Mpandinika : 7-5-26)

TONONKIRA .

I

Ho an'i D. Bawelas .

Ry voro-menidina mora malako,
Aiza no hody ?
Ry foko tanora, malemy sy bako,
Moa mba ho tody ?

Mangina, mangina, ka aza mamaly !
Aza mitafa !
Ny ampitso sy anio dia tahaka ny omaly,
Tsy misy hafa .

Na ampitso, na anio, na oviana na oviana,
Tsy afa tsy akory;
Ny baikon'ny velona : Tsy mba fanahiana
Amin'izay mampahory .

II

Ho an'i M .

Dia hitako indray ilahy fiainana very
(Na toa nahatahorako ho tahaka izany !)
Injao miverina ny aina sy hery,
Ka inty aho mbola eto ambonin'ny tany !

Ny ~~haso~~ rehetra dia velona koa
Ka mavana indrindra rehefa avy ho faty;
Ny fanantenan'ny voniny sea
Dia indro mameno ny fonybao anaty .

Izaho olombelona, mba inona kosa
No santatra reko ho amin'ny fiainako vao ?
—Dia izaho izay voavonjy fa simba sy osa—
Mihaino aho, ry foko. Mitenena ka lazao .

III

Ho an'i S .

Ny andro manombana eny an-tampon-kavoana
Dia mipololotra toa vorona sy afo
Niparasaka tampoka sy faingana foana,
Dia lany-toa nofy iray manafosafa .

Ity foko mahiny, ity fo mahatsiahy
Anao, ry larivo any am-badiky ny avo,
Dia mahagagagaga sy mampiontana ahy,
Satri toa torovana, ana sy lavo...

Nahoana ?- Ny lanitra miova mazana :
Mazava dia maizina ary indray dia mazava --
Miendrikao, ry fiainana sy fanantenana,
Eny, miendrikareo, ô ry mpiova lava !

(Ny Mpandinika :)

T S Y E M B O N A .

o _ o _ o _ o _ o _ o _
Vain-kira ho an'i Samuel Ratany .

Tsy mba zavatra vao,
Fa tena fahita afa hatramin'ny ela
Ny tahaka izao :
Raha ritra ny rano, ny sisa tavela
Dia fotaka monja -
Dia fota-mandrev nalamina'ny onja !

Ny hany fitàna :
Ny onin'ny fiainana . Anefa, ka fa,
Hany ka ana
Ilay fo manantena firavoravoana
Hatran'ny hatran'ny,
Ka heriny sisa, nisotro tomany !

Kanefa, hoy aho,
Tsy ho ranomaso voalokon'ny kiray
Na ran'ny talaho
No toga nameno impi'ny, impi'ny
Ilay fo nitadidy -
No tonga nameno kapoaka mangidy !

Fa hany nandoko,
Dia volon-davenona hilaza fa maty
Ilay afon'ny foko
Nitsilo ny lakana nita tanatin'
Ny fahatsiarovana
Efa lavo sy lanin'ny fotoam-pahalovana !

O ! rivotra adala
No sendra mandalo nanao tora-javona !
Nony efa niala,
Tsy afa-nitondra afa-tsy hery sy avona .
Ka inona faona
No tonga nanairany fanadinoana ?

Etsetra; etsetra...
Dia inty aho tody fitàna afa indray;
Ary tsy mba hitsetra
Raha sendra miverina ilay fiainana iray
Izay lasan'ny taona
Nitoeran'ny foko efa nanala saona !

Nikoro ! Nifono
Lavenona manja ny andro fahiny !
Mivolon-dronono
Ny kaopy nasoloko iny kaopy iny !
Ry fahatsiarovana,
Hianao efa lanin'ny fotoampahalovana !

Tena zavatra vao
Sy mbola tsy hita hatramin'ny ela
Ny torak'izao :
Ny rano efa ritra - tsy nisy tavela,
Na fotaka monja !
Nankaiza ? Nankaiz ? - Navelan'ny onja !

(N Mpandika : 16-4-26)

TONONKIRA .

"Le cœur a beau mentir, la blessure est au fond...
A. de Musset .

Aza anontaniana izay anton'izao
Fanginako lalina ary feno tomany !
Aza anontaniana, satria fantatrao
Fa fahatsiarovana no anton'izany ...

Tsaroako ny tsikin'ny androko omaly,
Izay manjary aloka foana, indrisy !
Tsaroako !... Antsoiko fa tsy mba mamaly,
Ary toa manadino, ary toa tsy mba nisy !

O ! inona indrindra no kanzan-tany
Nitsangananao re, ry androko lasa,
Ry androko lasa niampita any ho any,
Nitondra any ho any ny zava-boakasa ?

Fasika ameron'ny rano malaky
Mikoa amin'ny onja sy alona ve ?
Sa vato malemy sy mora vinakin'
Ny eri-mitafy mangina tsy re ?

Io vovoka sisa tavela aminao,
Vovoka mandry na vovoka miely,
Vovo-manerana ity fiainako vao,
Vovoka aingain'ny rivotra kely,

Hifay, handemy ny hery rehetra,
-Hatramin'ny hery izay sahy dia sahy -
O ! vovo-masiaka sy mahery setra,
Manditsoka hatrany amin'ny ati-fanahy !

(Ny Mpandinika : 3-9-26)

Eritreritra Fahavaratra .
Ho an'i S . sy N .

Mijononoka moramora ny orana avy hariva
Ny alina madiva
Hamonto torimaso ny lanitra sy ny tany,
Ka hitondra any ho any...
—Any ho any, nefa aiza? Aiza ho aiza , ry fanahy
Toa reraka, manahy?
Aiza ho aiza no hampita izato nofinofinao
Izay mameno, no injao
Mihodinkodina ao am-po, mihodinkodina ao an-tsaina
Toa rano nafanaina ?

Mitsilopylopy mora, toa mangovitra sy ory,
Ny jiroko. -Matory
Izay rehetra manoloana ny masoko mahery.
Aiza ho aiza no miary,
Ry fanahy, ilay nofinofy izay namonto antsika teo ?
Avia mamoka feo,
Ka lazao am-bitsibitsika ao am-poko kely ao
Izay tena teninao.-
Dia ho fantatro avokoa izay rehetra afenina ahy ...
Mitenena, ry Fanahy.

Ny jiroko efa maty, ny orana efa lany;
Mangina koa ny tany,
Ka ~~lao~~ anatiko ao. -Tsy misy reko intsony,
Tsy misytsy mba tony...
Kanefa re, kanefa toa mbola be dia be
Ny fitiavako handre
-Izay tena dinanao, ry vintana tsy fantatra !
Tsy mbola tena sambatra,
Sady fenontebiteby ny nofo sy ny saina
Ka he ! mitaintaina !

Nihanalemy moramora ilay orana avy hariva;
Ny andro dia madiva
Hamoha ny torimason'ny lanitra sy ny tany
Ka hamerina avy any...
—Avy any, nefa avy aiza? Avy aiza, ry Fanahy
Toa trotraka, manahy?
Avy aiza no nampita ilay mba nofinofinao
Izay namonto, no injao
Mihamalefaka ao am-po, mihamalefaka ao an-tsaina,
Toa rano nafanaina ?

(Ny Mpandinika : 19-2-26)

Ao an' ala .

- o -

Ilentehan'ny lefona alefan'ny andro,
lefono fahazavana,
ny fo makadirin'ny ala,
ka indro maràtra
maràtra
ao anatin'ny fahanginana .
Maràtra ! Tsy misy mamehy ny ratrany,
ka mitsinika mora,
mora dia mora
ny rany....
Mitsinika mora
dia mameno sy mamonto
ny ~~ra~~ ~~in~~ ~~ka~~ ~~zo~~ ~~ain~~, kisa,
dia manerana ny ~~toerana~~ rehetra
sy ny zavatra rehetra,
hatramin'ny ~~fen~~ny voron-kely tonga farina,
sy manjary toloko;
hatramin'ny tselatra roambifolon'
ny lolo
sy ny masonry mivaivay
tonga haboka;
hatramin'ny fanahiny mpianala
izay manjary vitsy teny,
fa sempotry ny ra...

- Dia ra-hanitra
feno
ny ain'ny ala efa konka, sy feno
ny zava-miafina ao .

15-5-25 .

FAHATSIAROVANA
an i Thomas ROBSON .
o-o-o-o-o-o-o-o-o-o-o-o-o-o

O ry hazo iray mamony,
Alokalo-jazavavy
Misaly lamba maitso vony
Misy taratra mandravy;

Lohasaha mitafy romba,
Rambiazina sy avoko,
Hitahiry sy hambomba
Izay ho vovokao, ry foko ;

Ary hianao, ry Ambatofotsy,
Efa konka sady ntaolo,
Tany mamy fa nandrotso,
Tany mamy, na dia haolo —

Hianareo sy ny maro
Feno loko sy hazavana,
Mifalia, fa ho voaharo
Amin-taonam-pandravavana :

Fa ny tànany mahay
Sy ny masonry mahery
No nitady sy nandrañ
Ny tavanao soa miery;

Voatahiry an-dokerano ,
Manga, volon-dani-tony
Ny endrikao manganchano
Vao tanora, vao mamony .

.....

Alefa (...hitopy aiza ho aiza ?)
Ity fijeriko: Io, mitranga
Ny vato-pasanao, sakaiza,
Izay orohan-draho-manga.

Misy vorona mikalo
(Toa domohina ?) ao ho ao,
Hira ahoana ? — Ry mpandalo,
Injao manako toy izao :

" Samy handalo ka ho rava
Izay velominao, ry aña;
Hany hijoro lalendava :
Izay tohananao, ry saina !"

O ! na miery fatatra aza
Izany vorona mivazo,
Voavinany fa ny LAZA
Tsy miova, tsy malazo !

3-9-26 .

T O N O N K I R A

Ho fahatsiarovana ireo havana roa
nafohy nifanesy : Rahary R. James sy Ramatoa Rafara .

La mort souffle comme le vent dans les platanes
Et le cœur d'Adonis devient comme une anémone...
Pierre CAMO .

Nitsoka ilay rivotra tsy mifidy hasiana,
Nitsoka ka nandrava ny tao an-tanimboly,
Nitsoka sy nandaigo ny voninkazo tiana,
Nitsoka nampahory ny nofo ngolingoly !

Ilay rivotra mahery, mipaoka tsy hita
Raha tsy efa mahalavo sy mahatorôtoro,
Nitsoka ka nandeha, nitondra hankany am-pita
Izay reharenao, ry hazo iray mijoro !

Voninkazo irayninoana fa hisolo,
Voninkazo kely vao niaina indray maraina,
Nalefiny sahady, ka levona tontolo
Iray rehetra taminao, ry saha nandrindrana !

Izahy mba nanantena fa ho tapitra aminn'izay
Ny hasiahanao, ry rivo-misafoaka,
Ka ho andro soa mazama sy andro tony indray
No ho ao an-tanimboly, hiaraka mipaoka ;

Kinanjy nisafontina ary indray namely
Ny herinao tsy toa ! Nanjera ny mahery !
Lavo ny sampaho : ny voany koa niely,
Toa tsy hivory intsony, toa samy efa very !

Ry rivotra tsy tany, mba mitsahara re !
Mariry ankehitriny ilay fototra namoa :
Izay mba nantenaina, efa siaba be ;
Izay mba nitokiana, indro fa voa !

o
o

Mijerijery foana ny foko mitomany,
Mitady izay fiakaran'ny loza vokatrao ;
Inona no hita, tsy volavolan-tany
Izay hanjary fasika rehefa ao ho ao !

Mandahadeha ho azy ny maso feno rano,
Toa mizahazaha ihany, toa mbola manantena
Ny ~~fiovan-tarahy~~ voalazan'ny angano,
Ny fiovan'ny fanahy sy fiovanao, ry tena

Toa mbola manampo fa hanjary voninkazo
Ny havana efa maty, ka ho azo atao an-tratra.
Ny alony mandalo akory anefa tsy azo :
Vao mainka koa ny fo torovana, maratra !

Azera moramora ny loha tsy mitony.
Ny fanahy no injao fa re mamakafaka ,
Mañand^{no}peo malemy miakatra ao Ambony :
" Hianao no nanome . Hianao koa no naka ; " "

Veloma, veloma, izany havako izany ;
veloma, masina — fa indray andro any,
dia mbola hihaona ny fo mitomany,
ka samy ho sambatra,
hionona, hifaly ary samy hifandray. —
Ho tonga ho mamy izay voankazo handatra.
Izay tafasaraka, tonga hiry
ary samy hifamaoka an'izay ranomaso.
Veloma, veloma — masina . Andraso ...
Izao sisa hafatro, hafatra kely :
...K.....
Dia mandrapihana, ampiako masina⁶⁶
Ambara-piveriko re, mba mangina :
Ny foko tsy aiza fa eo anilanao,
ho mandrakizay manomboka izao !

Jereo ka diniho ny andro diavinao,
Ry fo tsy mahalala ny vintan hitodiany
Ka toa mamihi-nofy, misalasala izao
Eto am-piandrandra ny zava-tsoa iriny !
Jereo dia ho fantatrao fa tsy afa izy akory
Faloka na taratra atolotra ho fambara ;
Hianao tsy mitony, izy oriory;
Hianao mitebiteby, izy tsy fanta-para !
Andro mandevona....hariva sa maraina ?
Ho orana mikija sa hamonto itony nofo ?
Sa ho haigam-pibaliaka, hamelona ny aina ?
Sa kosa hanjary rivo manao tora-jofa ?
Voninkazo kely tsy mbola tonga loko,
Miantsamby tsy amin-kery amin-taho iray mikoro,
Hivelatra va re, sa dia hitakoko ?
Ho lavo vetivety sa haharitra fijoro ?
Indrisy ! raha jerena ny andro diavinao,
Ry fo korontanin'ny vintana hitodiany,
Ry fo misalasala syy tebiteby izao,
Miandrandra, manantena ny zava-tsoa iriny,
Dia fantatra avy hatrany fa tsy hafa izy akory
Fa taratra sy aloka atolotra ho fambar :
Fambara fa hianareo izay tena miarak'ory,
Dia feno vinta-kafa tsy fantatra fiafara !

Misy hery manintona ahg,
Ary maninona eo am-poko ;
Vahotra e ny fanahy ,
Oriory, mitoloko !

A ! 'ty foko feno rofy,
Mijery sy variana ...
Toa mahita ami-nofy
'Lahy tarehin'ny tiana !

Ry alina ô, andraso,
Aza malaky misava !
Mampitombo ranomaso
Ny tsy mahita 'lay tiana .

Ny alokao matevina
No voalin'ny tarehiny ...
Eo aho no mievina
Mijery ny fiomeheiny !

Efa lasa ve, sy maty
'Reny ora teo aloha ?
Mbola tsaroako anaty,
E ; manelo ny an-doha !

Aloka koa ve no sisa —
Nô sisa ho-an'ny foko ?
Jaridaina, paradisa,
Aiza ireny ? — Lany loko ?

Lany loko, lany manja,
Fika vony, raozy mavo !
Nandamoka, maty tanja—
'Zaho resy, 'zaho lave !

Koa veloma sy masina !
'Zaho 'zao mitsabo ratra .
Hampitony mangigina
Ny fanahiko mahantra !

L O V A

Rehefa midona ilay Ora mpanova,
tsarovy, ry lala, fa ireto no lova
navelan'ny foko hatramin'izao,
tahiry mangina napetrany ho anao;
Ribà hifatoran'ilahy Soxvenira,
sy andalàlana vitsy natao tonon-kira :.....

Sokafy ny boky nakaton'ny taona,
kanefa velarin'ny foko misaona ;
hency eo ny senton'ny ratra manjo —
ilahy ratra tsy maty, ilahy ratra tsy lo
sy mbd a mitsiky ary miafina mora,
anatin'ny foko — ny foko tanora !

TANALA VERY SAMPY

é:-:-:-:-

Ra' sendra misoka ny volan'ambony,
Ra' takona mantsy, ka tsy mb'hit'intsony;
Ankaratra misento, ka tsy mba mitony --
Andrigitra no ho avy hanony ny fony !

Irony domohina ra' to' sarak'ala,
Indrisy! misento . Indrisy ! f'adala !
Manembona, hono, fa lavi-malala --
Manova no sisa, fa sampin-tanala !

Avia ry vorona ! Avia mba mikalo !
Alotra nilaozana, tomany pandalo ;
Very tsiriry k'indrisy ! mimalo ! --
Wonoiko ny sento, tsy ekeko hampivalo !

Ory manjavona. -- Ankaratr'izany !
Onena misento. -- Ankaratr'ihany !
Ny tsy anilan-tiana no tena tomany . --
Ny lehilahy kosa tsy lavon'izany !

Ora-midona no mety ampatsiahy
Ozom-piita mijoro hampanahy ;
Toa aloka sisa, fa very fanahy ! --
Tanala very sampy aho, ry lahy !

Samborina ve ny domohin'ny tena,
Samborina ho an-kafa, hanorisorena?
Indrisy ! misento . Indrisy ! mivena. --
Izaho manan-kambo tsy resy resena !

Efa nisinda 'lay kinta-niriana,
Efa niova ho fangirifiriana;
Orosan-tsy satry ny sento miana ! --
Qvao ny famindra, ka nde miova tiana !

FO MITOHY

Ra' lavitr'azy hoe :

Toa lisy maina, toa raozy malaza,
Misento fa ory sy manina anao
Mariry tsy fantatra . Angaha vonikazo
Asa, tsy fantatra hatramin'izao .

Mihofo ny loko, malazo ny taho,
Toa zary bozaka, tsy lisy intsony,
Tsy hehy na tsiky fa feo mitalaho
Toa rivo-baratra tsy mba mitony .

Miova ho fantana 'zany masoandro
Ny rivotra koa manjary mamono
Izany no fiainana maizân'antoandro
Manolo-poizina 'zay mila ronono.

Ny lara madinika, mozikan'Etana
Izany tsy re, izany tsy misy
Tsaroana fa singany irery ny tena
Tsaroana fa bozaka ilay tsy mba lisy .

Ry voron'ery ! Ry rivo-mandalo !
Andeha mb'ilazao 'lay tiana syvtia
Fa ketraka hoe ka tena mimalo
'Lay tsy eo an'ilany lavitr'aty .

" Fa Velona indray ."

I

Ny foko efa lanin'ny biby nandalo,
Ka sombiny sisa navelany ho ahy !
Ny volana ho avy toa volana adalo,
Ho fitomania-mahavery fanahy ?

Ho viza-miandry va re, ka handao
Ity heriko sisa izay sasa-mitady
Ny fanantenana izay misy aminao ,
Ry vola-baliakan'ny alahamady ?

II

Mijaly ny foko, kanefa tsy haiko
Lazaina aminao re ny saten'izany
Satria sady feno no vonty ny saiko -
Dia feno sy vonty ary mamon-tomany .

Fanginana sisa hatao fanafody
Manaisotra ilay tsy mba fantatra dina;
Angamba izay heriko very, mba hody
Rahefa ny sento no mety mangina ...

III

Ny sento?... efa mandry ao anaty fanahy,
Toy ny fandriny ny fotaka ao ambany kamory ?
Tsy efa-nisondrotra mba hampanahy,
Mangina tsy hendry toa zaza matory.

Kanefa, tandreno !...Avela hitony,
Fa sao dia mitraotra ilay jaly taloha ?
Aza tabatabaina, aza tairina intsony,
Rotsio mba hatory, fa sao dia mifoha .

Ka hitsangane indray ilay foko efa maty,
nitsanga-kilaza ny anton'izao,
Ho fantatra izay mampahory ao anaty :
Angamba tsy hafa fa tena ASANAO .

(Ny Ranovelona n° 10 , janvier 1926 .

MPANOLIKOLY

--:--:--

Fiolehana, mivaika,
Zava-miafin'ny mpandainga,
Fahakingana ahoana indray
No hihoatra ny havotsako ?

Efa fantatro ny diako
Izay hitondrako anao,
Ny eritreridratsiko
Dia tsy mba hanimba anao ...

(Fa mitsiky aza ~~sy tena hanaika~~
Sy tena andriandriana,
Raha tapa-pato-doatra,
Mba mahavaka ihany !)

Fiolehana, mivaika,
Zava-miafin'ny mpandainga,
Hosaroroiko aloha
Hiandry teny mamy .

Nankaiza hianao, ry lasa, nankaiza, no antsoina
nefa ako iray malemy no'sisa mba mamaly
sy manoina ?...

— Manoina sy mitondra ny hiranay omaly
efa zary sentosento, mifangaro ranomaso .

— Ranomaso tsy mivoaka, mamonto ny aty fo !
O ry lasa ! ô ry lasa ! ô ry lasa, mba andraso :
Henoy ny manjo !

O ! ny hiranay fahiny, sambo feno voninkazo,
nampamerovero saina, nanamanitra ny dia ...
Dia halazo ? !

Hery feno namakiana ny onjan-drano izay maria
toky sady niankinana ary koa mba nantenaina
fa hampita hatraminao, ry helo-dranom-pifaliana,
ry anton'aina,
izay tsy iza fa hianao, ry malala sady tiana !

Izao anefa ka ho rendrika, eny re ! arendrikao !...
Ny hiranay, ny hiranay, mbola injao miraondraona
ao am-poko ao !

Miraondraona ka ho reko toy ny hira iray misaona
sy miventy faharesena, ô ry vintana tsy hita
izay mzanavo dia manindry ny malemy noho hianao,
tsy tafita
fa miankohoka sy rendrika ao anaty lalina ao !

Tsy mba misy izay mosara mba manatitra ! tsy misy
sentosento iray akory mba arahinao tomamy
ka indrisy !

Mierikeri-tsamy irery eto ambavan-tsesitany !
Mierikerika mihaino izany fiditry ny rano
ato anaty lakan-doaka voatendry mba hanafoana
ny mba hany tokim-po azo tamim-belirano
tsy tsaroana !

O ! dia foinao, ry lasa ! ô ry lasa, izay antsoina
nefa mianjona mandeha, mihomehy sy tsy mamaly,
tsy manoina ...

O ry lasa, reheha sady tokin'ny omaly,
nefa tonga sentosento sady tonga ranomaso !
Miantso anao ny indray nihifa, miantso anao amom-po .
Mitalaho sy mitaraina ! Miantso anao, ka mba andraso :
Ka toneo ny manjo !

13-1-28 .

- I) a) Antsoiko ny androka lasa, ka ako no mamaly
b) Henoina, ka injany miverina manako
feo malemy sady soa
- IV) Tsy kopa-mosara, tsy maso mijohy
no entl-manatitra hankeny an-pitana
an'ity lakan-kely niaraha-nilalao
tao anatin'ny onjan'ny rano maria .

FASANA, FAHAROA

Ilay fasako, fasako hiany,
Fa ny foko dia fasana koa ?
Io no fasako ivelan'ny tany,
io no fasako iray, faharoa ?

Tsy mba vero na mba rangolahy,
no manafina an'io fasana io —
fa ny nofoko zary manahy
no mandrakotra omaly sy anio .

Sentosentoko mamelovelovelo,
ranomaso, toloko tsy tana —
izy ireny no sarin'avelo,
mitapody ka sarotra ialàna ?

Ao ny nofy novolavolaina,
izay nisinda nalaky, tsy hita ?
Ao no rendrika ilay nantenaina,
ilay sambo nataoko ho tafita ?

Ao ny tsantan'ny andro taloha
sy ny hiran'ny fahazazako,
no milevina ka tsy mifoha,
na miverina mba hitondra ako ?

Ao ny zava-drehetra voakasa,
saingy simba, ka very tadidy ?
Ao ny taolan'ny androko lasa,
sy ny ora tsy ~~misy~~ masi-mandidy ?

Ao ny nofo nikipaka mora,
ao ny maty daholo daholo !
Ao malazo na mbola tanora,
ka mianjera tsy manam-pisolo !

Ilay fasako, fasana ihany,
fa ny foko dia fasana koa !
Io no fasako ivelan'ny tany,
io no fasako iray faharoa !